



SIARAN AKHBAR

S.A. 2021/03/46 (HQ)

PROGRAM IMUNISASI COVID-19 KEBANGSAAN: BEKALAN ELEKTRIK KE PSV & PPV KEKAL STABIL

Bekalan elektrik di kesemua 40 Pusat Simpanan Vaksin (PSV) dan lebih 400 Pusat Pemberian Vaksin (PPV) yang telah beroperasi di seluruh Semenanjung berada dalam keadaan baik sejak pelaksanaan Program Imunisasi COVID-19 Kebangsaan pada 24 Februari 2021.

Ini berikutan usaha-usaha senggaraan awal oleh Tenaga Nasional Berhad (TNB) di PSV dan PPV dengan kerjasama Kementerian Kesihatan Malaysia (KKM) serta pihak hospital dan klinik kesihatan.

“Kami mendapat kerjasama dan sokongan yang begitu baik daripada KKM, hospital dan klinik kerajaan yang berkaitan. Di setiap pusat, kami menempatkan pasukan teknikal bagi membuat kerja senggaraan awal untuk memastikan bekalan adalah stabil dan jika berlaku gangguan, ia dapat dipulihkan dalam tempoh minimum,” kata Wan Nazmy Wan Mahmood, Ketua Pegawai Rangkaian Pembahagian TNB.

“Kerja-kerja senggaraan melibatkan pencawang dan pembekalan elektrik ke pusat penyimpanan vaksin itu yang dilakukan sejak awal Februari adalah antara aspek kritikal bagi menjayakan program imunisasi ini,” katanya.

TNB bersama-sama dengan pihak hospital dan klinik kesihatan juga telah memastikan set janakuasa di pusat-pusat perubatan terlibat berfungsi dan bersedia untuk beroperasi sekiranya diperlukan.

“Pasukan kami sentiasa membuat rondaan di semua PSV dan PPV di Semenanjung dan akan segera ke pusat yang berlaku gangguan bekalan bagi membantu memulihkan bekalan secepat mungkin.”

“Set-set janakuasa bergerak TNB juga bersedia untuk digerakkan serta-merta ke lokasi PSV dan PPV bagi memastikan tindakan pantas boleh diambil,” kata Wan Nazmy lagi.

Selain penyelenggaraan aset dan ketersediaan pasukan teknikal, TNB turut menyediakan dua saluran perhubungan khusus (talian khas) kepada pusat penyimpanan vaksin bagi membolehkan komunikasi pantas dengan TNB jika berlaku gangguan.

Sekiranya orang ramai menyedari sebarang kejanggalan pada pemasangan TNB atau ingin melaporkan gangguan bekalan, sila hubungi talian TNB CareLine 15454.

Dikeluarkan di Kuala Lumpur pada 5 Mac 2021, jam 12:00 t/hari
*Untuk pertanyaan lanjut media, sila hubungi Fitri Majid 013-3626923 /
Grace Tan 016-6626229 / Nasir Aziz 018-9434524
atau emel kami: media@tnb.com.my*



Ketua Pegawai Rangkaian Pembahagian TNB, Wan Nazmy Wan Mahmood



Pasukan Teknikal TNB membuat kerja senggaraan awal untuk memastikan bekalan stabil dan jika berlaku gangguan, ia dapat dipulihkan dalam tempoh minimum. Kerja-kerja senggaraan melibatkan pencawang dan pembekalan elektrik ke pusat penyimpanan vaksin itu yang dilakukan sejak awal Februari adalah antara aspek kritikal bagi menjayakan Program Imunisasi COVID-19 Kebangsaan.